

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), razmatrajući Amandman I Sanje Renić, zastupnice u Skupštini Zeničko-dobojskog kantona, podnesen na Prijedlog Programa rada Skupštine Zeničko-dobojskog kantona za 2021. godinu, na prijedlog Ministarstva za pravosuđe i upravu, Vlada Zeničko-dobojskog kantona, na 95. sjednici, održanoj dana 24.02.2021. godine, d o n o s i

ZAKLJUČAK

I.

Prihvata se Mišljenje Ministarstva za pravosuđe i upravu doneseno po Amandmanu I. Sanje Renić, zastupnice u Skupštini Zeničko-dobojskog kantona, na Prijedlog Programa rada Skupštine Zeničko-dobojskog kantona za 2021. godinu.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____/21

Datum, 24.02.2021. godine

Zenica

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.

O b r a z l o ž e n j e:

Pravni osnov

Članom 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) propisano je da se zaključkom utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade.

Razlozi za donošenje

Sanja Renić, zastupnica u Skupštini Zeničko-dobojskog kantona, podnijela je Amandman I na Prijedlog Programa rada Skupštine Zeničko-dobojskog kantona za 2021. godinu, kojim se u dijelu II SADRŽAJ PROGRAMA, A-OBLAST PRAVOSUĐA I UPRAVE, dodaje tačka 2. čiji naziv glasi: Zakon o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Zeničko-dobojskom kantonu.

Po predloženom Amandmanu Ministarstvo za pravosuđe zauzelo je isti stav kao i po ranijoj Inicijativi zastupnice Sanje Renić za donošenje istog zakona, te se očitujemo da smatramo opravdanim i potrebnim donošenje ovakvog zakona, koji bi se odnosio na sve izabrane dužnosnike, nosioce izvršnih funkcija i savjetnike u Zeničko-dobojskom kantonu, i koji bi se sveobuhvatno primjenjivao na području Zeničko-dobojskog kantona obuhvatajući općine i gradove, ali da smo do okončanja izrade integralnog teksta Zakona o sukobu interesa u organima vlasti Federacije Bosne i Hercegovine i dalje na stanovištu da upućivanje Zakona o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Zeničko-dobojskom kantonu u skupštinsku proceduru ne bi bilo u duhu harmonizacije propisa na području Federacije BiH koji regulišu ovu oblast.

Finansijska sredstva

Za realizaciju ovog zaključka nisu potrebna finansijska sredstva.



Broj: 06/04-3-02-2457-1/21
Zenica, 24.02.2021. godine

Po Amandmanu I Sanje Renić, zastupnice u Skupštini Zeničko-dobojskog kantona, podnesenom na Prijedlog Programa rada Skupštine Zeničko-dobojskog kantona za 2021. godinu, kojim se u dijelu II SADRŽAJ PROGRAMA, A-OBLAST PRAVOSUĐA I UPRAVE, dodaje tačka 2. čiji naziv glasi: Zakon o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Zeničko-dobojskom kantonu, Ministarstvo za pravosuđe i upravu daje sljedeće:

MIŠLJENJE

Sanja Renić, zastupnica u Skupštini Zeničko-dobojskog kantona podnijela je Amandman I na Prijedlog Programa rada Skupštine Zeničko-dobojskog kantona za 2021. godinu, kojim se u dijelu II SADRŽAJ PROGRAMA, A-OBLAST PRAVOSUĐA I UPRAVE, dodaje tačka 2. koja glasi:

„2. Zakon o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Zeničko-dobojskom kantonu.

Nosilac izrade: Ministarstvo za pravosuđe i upravu Zeničko-dobojskog kantona

Predlagač: Vlada Zeničko-dobojskog kantona

Donosilac akta: Skupština Zeničko-dobojskog kantona

Pravni osnov: Ustav Zeničko-dobojskog kantona

Razlozi za donošenje: Donošenje ovog Zakona bi pridonijelo podizanju nivoa povjerenja u legitimno i nepristrasno obavljanje javnih funkcija, ojačalo bi povjerenje javnosti u funkcioniranje političkog sistema i njegovih institucija. BiH je dužna ispuniti preuzete obaveze, naročito one iz Konvencije UN-a protiv korupcije, koja u članu 7. stav (4) nameće obavezu državama članicama da u najvećoj mogućoj mjeri poštuju principe transparentnosti i sprečavaju sukob interesa u javnom sektoru, a član 20. odnosi se na nezakonito bogaćenje javnih funkcionera.

Postupak donošenja: Redovan

Rok: Nacrt: juni, Prijedlog: oktobar.“

U vezi sa navedenim, zastupnica Sanja Renić je već ranije podnosila Inicijativu za donošenje predmetnog Zakona, o čemu je ovo Ministarstvo dalo Mišljenje broj: 06/04-02-1990-2/19 od 28.10.2019. godine, a koje je Vlada Zeničko-dobojskog kantona prihvatila Zaključkom broj: 02-02-16235/19 od 31.10.2019. godine.

Kako smo tada naveli, Ministarstvo za pravosuđe i upravu smatra opravdanim i potrebnim donošenje ovakvog zakona, koji bi se odnosio na sve izabrane dužnosnike, nosioce izvršnih funkcija i savjetnike u Zeničko-dobojskom kantonu, koji bi se sveobuhvatno primjenjivao na području Zeničko-dobojskog kantona obuhvatajući općine i gradove.

U tom momentu je Federalno ministarstvo pravde uz podršku Britanske ambasade u Sarajevu, bilo u završnoj fazi izrade integralnog teksta Zakona o sukobu interesa u organima vlasti Federacije Bosne i Hercegovine. Predviđeno je da ovaj Zakon uređuje sprečavanje sukoba između privatnog i javnog interesa u vršenju javnih funkcija u Federaciji Bosne i Hercegovine, kantonima i

jedinicama lokalne samouprave, obavezu podnošenja i sadržaj izvještaja o finansijskom stanju, imovini i interesima nosioca javne funkcije, osnivanje Komisije za odlučivanje o sukobu interesa i postupak koji ona provodi, nadzor nad provođenjem Zakona, kao i druga pitanja od značaja za sprečavanje sukoba interesa nosilaca javnih funkcija.

Donošenje potpuno novog zakona ima za cilj usaglašavanje ovog zakona sa zakonima drugih nivoa vlasti u Bosni i Hercegovini. Nacrt Zakona o sprečavanju sukoba interesa u organima vlasti u Federaciji Bosne i Hercegovine predviđeno je osnivanje Komisije koja će za sve nosioce javnih funkcija u Federaciji BiH na svim nivoima vlasti proaktivno i sveobuhvatno prikupljati i objavljivati izvještaje o finansijskom stanju, imovini i interesima.

Prema radnom nacrtu Zakona „nosilac javne funkcije“ je:

zastupnik i delegat Parlamenta Federacije Bosne i Hercegovine (u daljem tekstu: Parlament Federacije), zastupnik u zakonodavnom organu kantona, vijećnik u gradskom i općinskom vijeću;

predsjednik i potpredsjednik Federacije, član vlade Federacije Bosne i Hercegovine vlade kantona, gradonačelnik i općinski načelnik;

rukovodilac i zamjenik rukovodioca uprave, upravne organizacije, ustanove, javnog preduzeća ili druge institucije na svim nivoima vlasti u Federaciji koji je izabran, imenovan, ili postavljen, ili je za njegov izbor, imenovanje ili postavljenje data saglasnost od predsjednika, potpredsjednika Federacije, Parlamenta Federacije, Vlade Federacije, zakonodavnog organa kantona, vlade kantona, gradskog i općinskog vijeća odnosno načelnika i gradonačelnika, savjetnik nosioca javne funkcije, čime će se na jedinstven i harmoniziran način urediti oblast za sve osobe koji su nosioci javne funkcije, te na osnovu javnog poziva od strane Parlamenta Federacije BiH imenovati Komisija za odlučivanje o sukobu interesa i prikuplja i objavljuje izvještaje o finansijskom stanju, imovini i interesima kao stalno, nezavisno i samostalno tijelo.

Stoga smo smo i dalje na stanovištu da upućivanje Nacrta Zakona o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Zeničko-dobojskom kantonu u skupštinsku proceduru, ne bi bilo u duhu harmonizacije propisa na području Federacije BiH koji regulišu ovu oblast.

MINISTAR

Nebojša Nikolić